

SI SFASCIÀU LA-CCHITTERA...!

(Mistretta: pasquetta 1993)

Me frati Ninu avi na scarogna....!
Cu dđà-cchittera e manu, è na vergogna.
Ma iu a-mme cugnata na capisciu.....
possibili ca n c'è n'acquistu chi-vva lisciu..???

Prima i pantaluna larghi ru mircatu,
ca stetti na jurnata sbuđdicatu,...
ora ṭruoppu ştritti, accattati a fera
e nu n ci funziona a-cchittera...

Circannu riparu tuttu cunfunnutu
Me frati pigghiàu u “scocci” e cciù mittiù,
ma quantu spazio iđđu si calàu
a cchittera naṭravota si sbaràu.

- U rimediu c'è, rissi me suoru a me cugnata,
puntìa nta cchittera quaṭṭru crocca
e, invece ri vastariti a jurnata,
cci-attacchi u lazzu e ci fai na scocca..

Lucio Vianca